



04633

黃唐堂先生
沈歸愚先生
鑒定

江
湖
閩
吟

學詩堂藏板

序

漳浦王子直夫負重名繇教習敘勞再宰金山縣

俄罷僑洙涇日吟哦寫其小雅離騷之心以當絲

竹荒江廢圃雜於樞謳樵唱賞音無人則遙慕黃

子爲鍾期蔡邕也者郵新集千篇而寓書以告曰

道少孤誦先人遺書遺書後後明陳公授列朝詩則

嗜崆峒學使歸安沈公授唐宋四家則嗜摩詰放

翁旣乃縱觀古今求所謂高渾古淡卓犖自然者

久而無獲惟雕鏤藻績不設於心時同硯蔡梁村

序

侍郎藍鹿洲太守治古文筆墨磨礪共探制作二

君序道鹿臯集詳之矣及遊京師名場俠窟聲華

相競類多酬應之作故所存絕少有京華稿高安

朱相國錢塘沈總憲爲之序自是作吏江南簿書

間之期會迫之註誤及之彈劾隨之而我歌且謠

不以患難廢此江湖閒吟所爲作也或曰其江湖

而有魏闕之思歟或曰洙涇者左申江而右柳湖

也瓦礫堆中偶墜珠璣洵之汰之庶幾有之昔左

太冲所學未及班馬揚雄而三都賦至今傳者元

晏序之也先生豈無意乎黃子受其詩讀竟而序
之曰潮州退之海外子瞻江湖直夫厥詩配焉高
渾卓犖孰如其所自言爰述書辭以冠簡端乾隆
六年春華亭黃之雋頓首誤

序

二

序

前明閩中詩派國初開於林子羽鴻時高彥恢棟
王安中恭王孟揚偁藍靜之仁兄弟共爲羽翼其
音安和穩順追步唐人後曹能始學佺徐惟和頌
起而紹承之別於當時野體鄙體而鯨魚碧海巨
刃摩天之概未敢任焉中間惟鄭繼之善夫欲別
開面目然學杜而得其皮毛志趣有餘神理不足
論閩中詩者猶有望於繼起之人也王子直夫以
詩鳴於漳浦不背前人不摹前人脫口而出滂鼻

序

一

鴻肆凡天下事理物情之所有者取而一一見之
於詩蓋本乎姿性之高明以爲其質探乎典冊之
奧博以老其學歷乎境遇之常變夷險以堅其識
而後以無所不可之才達之大可籠萬有小可析
秋毫金銀鉛銅鎔之皆成器也正聲么絃調之皆
成樂也昔人以白樂天詩蘇子瞻文能說盡古今
道理雖有語病初不害爲大家直夫之詩亦若是
焉而已直夫困於場屋垂老以教習敘勞宰金山
鯁直去官僑寓涑涇其窘窮之况幾與少陵之拾

橡栗鬪黃精相似讀其述懷七哀有會而作等篇
君子傷之不知天之嗇其遇正以昌其詩而世之
履豐席盛享庸庸之福者必不能與直夫爭可久
之名也直夫將歸閩中作序遺之見子羽善夫諸
人而後別有詩之一途卽不敢謂直夫之詩遠勝
於子羽善夫兩家然兩家之外拔戟自成一隊者
直夫足以當之矣直夫行矣風雪南征歸途萬里
老年著述所造彌高子雲而後必有知子雲者

乾隆丁卯冬月長洲弟沈德潛題於夷白齋

序

二

江湖閒吟目次

卷一

五言古體詩一百三十二首

卷二

五言古體詩一百六十四首

卷三

五言古體詩二百零二首

卷四

七言古體詩九十五首

卷五

江湖閒吟

目次

七言古體詩一百三十三首

卷六


五言律詩二百七十五首

卷七

七言律詩一百八十五首

卷八

雜體并五七言絕句三百首



江湖閒吟卷一

漳浦王 道直大氏著

五言古體詩

感遇

鴻鵠志四海一舉凌九霄上有風雲知不顧風雨搖丈
夫處世間盛衰各一朝昔爲富人趨今爲俗子嘲嘲趨
如蠅聲我意自囂囂

庖丁善解牛在手不在刀鷓鴣淬昆吾缺折同一號丈
夫在世間利鈍隨所遭柔茹剛則吐流俗非人豪不茹
亦不吐置身千仞高

鹿臯詩集

卷一

一

門有車馬趨路人爭嘆息明朝不再來誰得又誰失丈
夫當世途貴賤啓知識媚者傷我刀譽者砍我賊時勢
苟不存恩怨無終極

采蕭在深秋采艾亦秋月相思不相見愛此心如結丈
夫與世交所守惟專一食粥常苦飢衣褐常苦凍富貴
不可求亦有逼人日

寄友

青苔滑階除白石雨中綠經旬不下堂良恐傷我足足
傷猶可瘳遺體詎堪辱北風何凄凄新霜被華屋下有
萬仞冰行行須局促憂心而離居閉戶守空谷

青蠅附驥尾逐逐隨鞭鐙特立去人羣畔援豈天性不
夷不惠間強顏挺孤勁如以松柏姿橫縱桃李徑枝葉
非不繁俯仰成疾病知止有良模再拜辭趙孟

日出扶桑東月入崑崙西一日復一月百歲寧久稽人
言交可易亦復易厥妻富貴汝何物遂令大道迷不見
遺簪女中途哭慘悽遺簪不足惜故舊一時睽凡百君
子心至老母分哇

採藥北山岑山深丹竈冷不遇燒丹人更無鉛汞影笙
鶴謝人間春秋迺不永蒸蒸草木華何能延暮景飲食
適天和清虛自心領修短本在天終當發猛省

鹿皇詩集

卷一

二

夢筆

非花又非椽精彩更無匹遺我彼何人姓名不肯述疑
是白香山詩成愈真率又疑陸放翁蛟蚪戰白日年少
吝相投垂老力已失予固無所欣奪亦不遑恤恒恐墜
浮名翻爲身世桎有如杜拾遺徒矜漸細律命達文章
憎何用取三黜

晒朝衣

篋笥付子虛朝衣未憔悴經年不章身猶藏一命貴昨
宵吐光芒隱見雲龍氣曾從殿上來應抱此靈異開緘
就炎曦沐日宮錦麗雖非對至尊亦復存名器冬深莫

禦寒客來宜引避留贈謝東山蒼生供睥睨

嘆交

久要貴不忘千古有朋友無恒至二三割席當速朽利
劍在腰間黃金繫肘後見金却遺劍心跡焉可剖我有
青銅鏡無分妍與醜照面又照心令人堅所守今日讎
良會炙鷺可君口君心如轉移勿飲口中酒

兒輩買韻

強解理新律真搜探古風雖爲吾家事毋乃欲速窮熟
精文選理於道未爲通經訓乃蓄畬衆流自朝宗吾老
諸業廢念此心猶蓬故人貽我鏡

莊蔡山以
韻鏡貽我妍媸在鏡

鹿臯詩集

卷一

三

中出入行自隨誤汝認良弓逝將付汝曹播穫農子農

途中見被刑者

肢體本親生所貴不虧辱之子有何辜被此木刑椽鳴
咽不能言詢非命盜族口舌忤長官手足遭敲扑我聞
亟回頭輾轉亂心曲想當上堂時曾否蹈此毒玉政重
祥刑不在強摘伏金矢與肺石牖民從其樸或以示蒲
鞭膏災赦之屬若憑喜怒爲武健更嚴酷往者不可追
來者寧可贖階前皆赤子命官司民牧不顧父母名不
念一家哭戕人還自傷重譴豈不速于公大門閭至今
留芳躅寄語諸同人才氣非治獄

鼓聲

鼓聲自何處縣治在西南縣官方坐堂伐鼓衆誦誦聞
之猶悚息思痛尚懷慙此地關民社首重能與廉子羔
及尹何聖賢爲未諳我但求無媿其如七不堪飛鳥驚
曲木短髮避華簪採山兼釣水雙肩弛荷擔

遣愁

愁自脣頭生拔脣愁未絕脣睫在眼前不能見愁穴時
來欲問心觸緒愁更烈因觀未發初萬象本融結人生
如大夢先覺屬賢哲動靜方自知哀樂皆中節杞人空
有憂望天惱不徹天人相與間升降通氣血水火不須

鹿皇詩集

卷一

四

求莫使傷內熱

螻蟻

孰云汝無目能知雨與王孰云汝無鼻能知臭與香有
龍降中野腥聞江海鄉汝率醜類往蠕蠕試一嘗雖無
制神力亦已不自量忽遇穿山甲鐵甲故開張汝視如
龍偃入甲爭踉蹌掩羣在須臾母能死不僵迺知宵小
輩安分宜斂藏稍敢肆奸猾顛踣失其疆卽看螻蟻智
有慾無衷腸

刀

淮陰好佩劍嘗遭市少辱仗劍成王侯市少徒以目客

從北方來遺我刀切玉開匣拭寒光微塵點青綠何處
覓華陰取土資磨濯臨河截水流望嶽礪流俗耿耿見
精華秉直去邪曲仇吾不敢忘德吾不敢僂先師有遺
訓厥報從其屬

鳴鳩

朝鳴桑樹顛暮鳴桑樹枝七子分榛梅鳴鳩常不移去
桑自翱翔羣雛能不悲丈夫背鄉井瑣尾見流離坐席
不得安遑問孫與兒有酒難爲酌有米難爲炊矧乃無
米酒江干獨宿時菰蒲長新葉楊柳媚幽姿熙熙乘大
化樂子真無知人生非草木徒爲禽鳥啣撫膺長太息
鹿皇詩集

卷一

五

聚首在何期

白頭翁來巢

入林苦不深偏來傍籬舍翁老智故多知我忘機者連
生四五子安巢梅樹下朝出喧我簷暮歸啄我瓦解翁
意在雛保護寧有假兒童禁粘鷓黃口自瀟灑東西南
北人在家日已寡汝雛羽翼齊遠舉亟謀野毋若狐鼠
儔詭譎憑城社安爲善所遺禍乃迷所惹非我吝此邦
不與度春夏方借一枝棲何鄉有廣廈

塔鈴

微風發細響風疾反無聲器小難爲受稱量物之情浮

圖三十級一級三百鈴時於烈風裏啞口懸厥形縱有
錚錚韻天不假善鳴譬彼蚯蚓竅叫嘯如蒼蠅殷殷雷
出地萬物咸震驚天地有大用可以達吾生

題舟子

小港容一舟小舟容一人隨潮波上下長竿拂游鱗大
魚欲吞舟亟避返江濱小魚二三寸盈筐給米薪官租
不及歛力役不及均沽酒聽漁歌疑是上皇民三十尙
不娶四十尙不臣傲然天地老浩蕩全其真前船震笳
鼓後船燕嘉賓風濤不戒備翻覆迺胥淪莫言拙用大
好大豈足珍

鹿皇詩集

卷一

六

感舊

北有甘露亭南有文昌閣觀海一登臨海水連天薄日
出扶桑東紅輪耀城郭天雞幾度鳴城頭猶擊柝遊子
早出門但道雲遊樂行李滯天涯光陰如捲籥愁來思
故鄉客心渺何託風景縱不殊故交已零落寧作水上
鷗不羨雲中鷁倦翮不能還回首徒愧怍

謝漁媪

潮來卽扣門攜筐兼貫柳不計青銅錢但可父母口念
爾水中居拮据蓬其首魚蝦能幾何入市資升斗屢餽
滋不寧付直爾反走大義雖已明仁心我絀否煌煌大

江南氣節無不有漁媪亦人豪足破慳吝醜受施常畏
人聞聲生媿忸夏日事長齋瓜瓠雜新藕不復近腥羶
盤盂離鬻笱佳話自今茲他年應不朽

聞蟬

何爲抱不平三問不能語清自畏人知伊誰不知汝葉
下固深藏零露豈給茹疑是腹中飢哀號度殘暑思婦
動閨愁幽人嘆羈旅感觸起徘徊繁急靡端緒啖汝已
無從阻汝不可禦同調枉相憐臨風徒延佇

夢

心憂不遑寐蟋蟀益相親倦據烏皮几入夢如有神是

鹿臯詩集

卷一

七

龍不見角爲蛇具爪鱗忽焉拔宅去其性固難馴前有
長年老借問當識真指此乃靈物見之有夙因覺來不
自解遇怪大江濱地用莫如馬往者不須論

促織

善鳴雜清砧好鬪亦相促懶婦耳不聞游民樂徵逐江
干寒氣先七月已移族在宇仍近床節候催更速我昔

重勸農乘時呼警覺不率戒於庭盡驅事杼軸

游民鬪蟋蟀甚

於睹子厲禁之不率者有罰

欲以魏唐風易此吳越俗怙終固難悛

頽波曷能穀邦人不顧名好樂咎民牧牧去當無辭生
計日不足

雜感

良臣不去國佳女不再醮去國非不榮再醮亦有耀所
惜心跡乖留爲後世笑賢君擇好臣丈夫匹窈窕苟合
終易離不合付長嘯寧以醜拙老勿以紛華少古鏡屬
斯言人人亟自照

騏驥旣終衰強弩亦有未衰者莫騰驤末者怯遠發及
時貴有爲乘勢當振拔一朝舍我去牽挽手難奪駑馬
紛前趨竹箭爭自脫世人不識真目前快利達棄置勿
復云旁觀哭欲絕

張樂洞庭野聾者無所聞施采五都市賸者不爲文世
人皆懊惱兩翁方快欣廣樂雖不覺慢罵徒紛紛文采
雖不見妍媸更無分聰爲伐性斧明爲斲命斤讀碑賦
燕泥前車一轍均世稱小人族天爲君子羣殘疾寧有
損支離何足云

白馬從南來青驄自西去長安十載交不得並鑣轡夙
昔同舍敦今茲疆域異一龍又一豬豈第別軒輊鸞刀
薦廟堂鉛刀陳市肆利鈍固不侔貴賤殊位置人生視
所遭有如俎上器陳平亦人豪屠隱有真意

悲秋讀楚詞字與秋風冷君非不忍言懷忠挺孤梗當
年詔令嘉亦如檣杌等豈及天問篇精華開宋景失意

有文章垂爲奸佞皇天哀奇窮錫此龍文鼎舉世莫
能扛風騷手自秉我欲招其魂蘭泉薦秋茗微言不棄
捐助子當猛省

卧雲四十載巖戶生光輝忽接弓車賁遂令心事非悠
悠太行道行人多輕肥前有猛虎蹲後有蝮蛇圍馬磨
僕亦痛何以供指揮決往無生理君命不可違徘徊岐
路間惘不知所歸或云君命召毒物爲害稀但以誌戒
心非關生死機本爲翹翹出生死計亦微行藏不自寶
徒貽後世譏

疾病常畏死日求天地憐長跪訴平生大節固有愆此

鹿臯詩集

卷一

九

子何蒙昧自欺爲大言修身得不死世上無神僊人生
如大夢覺來有後先智愚雖有分修短無所偏誰人少
疾病服藥有微權求汗或弗得華扁應舍旃先師垂遺
訓久禱不欺天

秋旻視益高青冥徹織翳氣象使之然清寧詎有異清
寧在我心乃有平旦氣禽獸去人羣盜跖不爲利此心
與天遊虛靈原不二至人葆其真動靜如天地懂懂物
往來指揮澄萬彙野馬與塵埃自升還自墜

麟鳳在郊藪不食亦不飢靈物非有求時人自知稀王
者契其德至治見芳徽賢達出巖岫賞罰公是非宮中

秦雲門和鳴磬聲依麟向闔苑去鳳從丹穴歸萬物皆
得所四海有光輝

怯膽畏邪祟白日慄且寒此身入鬼車惶惑固無端有
如好讒謗歡娛裁禍言一朝誦在已哭薙涕汎瀾君子
秉特操死亡惟所安盜金與盜嫂何如孝婦寃但能不
憂懼天地一心寬

眼前見容華渺不見肝膽容華多誤人肝膽方勇敢青
青松栢林不發葭與茨但覺風日舒寧知霜雪慘世人
味蔗漿梗澁賤橄欖甘脆一時歡終身味寧淡達者洞
其源蹙頰嗜昌歌

鹿臯詩集

卷一

十

朝赴于門會旨酒變辛酸非惟不樂飲舉杯益愁顏座
中三十人強半客衣單秋霜被百草何物不摧殘浮名
束壯士福少禍爲繁華簪滅汝頂厚糈爛汝肝故鄉干
萬里父子不能團人言當見機見機良獨難

少年愛結客椎牛餉酒徒酒竭客亦散急難枉招呼好
客豈易致夷門朱亥屠公子往長跪折節爲前趨一出
袖中椎恥辱歸虛無義以壯士膽恩以激士軀莫言無
知已桑下有餓夫

口穢人皆覺耳鳴獨自知不逢岐伯鍼隱疾誰能醫譽
言常苦入毀言常苦悲不悲與不入守護是吾師越客

冠蟬冕混沌飾蛾眉面目俱成假取病徒爾爲痿猶不
忘起盲亦不忘窺廢物尚思用有如敗鼓皮炎神真補
天萬古荷隆施

涓涓山上泉濯濯海中山遙遙通一氣乾坤爲太闕神
龍所窟宅天矯去來蟠開口噓白雲奮爪白雲端舉世
無相識知者惟鳳鸞鳳翼不可附龍鱗詎可攀幽人守
邱壑恒覺考槃寬山河大自在人生當苟安

君騎紫騮馬儂駕白鼻騮物色旣殊異頭銜各有階
食太倉粟秦越皆吾儕肥瘠雖不一黽勉貴和諧如何
同舍郎恩怨一朝乖前車遭下石後車復擠排自非經
厖皇詩集 卷一 二

百折能不困重霾沉吟谷風詩痛哉置於懷

巨鼇浮滄溟非山又非石斧鑿無所加雷霆不能劈綿
亘極天長不見尾與額小舟那肯吞時或艤商舶徙運
乍翻騰波濤埋估客恃大徒冥頑往往爲物賊河鯉上
龍門其大僅尋尺頭角一時新風雲爲羽翼每向海中
吟百靈皆悅懌巨鼇廁其間龐然得無亞

灼灼芙蓉花有客寄一枝長江道路遠顏色半葳蕤顏
色縱衰謝芳心詎轉移花藏溫玉匣枝植華清池朝朝
發新葉白露媚幽姿來秋當爛熳誰謂子無知回頭江
上望伊人在水湄投桃終有報慰此長相思

兕乃虎之族豺爲狼之儔獨出爲物擾並行爲民憂猛
威或相鬪散處終非仇伊昔重華帝嘗與鹿豕遊忘機
兼遠害有如狎野鷗熊羆蹲其足貔兪揚其頭聞韶皆
率舞百獸同優游熙熙躋壽域人物自春秋

驅車泰安州四度乘昏曉翹首瞻岱宗壁立浮雲表未
遑登其顛焉知天下小古來封禪基其跡亦縹緲七十
有二君山靈應皎皎欲上東封書敢先茂陵草四裔皆
嚮風八荒樂熙皞功德固難名豈在盛文藻天門長紫
芝采之可娛老

牛鬪縮其尾虎吸伸其舌牧豎與樵夫所見甚昭徹外
鹿臯詩集

卷一

十一

人焉得知耳食第剽竊問喘旣有人陰陽宜中節殿上
亦有威邪佞亦已絕感物著徽猷平治屬賢哲水火各
分司居者惟就列日日食太倉豈徒取容悅樵牧方笑
人巖廊非養拙

依依山上喬采采中原菽誰家好男兒教誨不式穀盛
衰或有時世系亦難續今之皂隸行昔爲纛郤族皂隸
當可爲在官豈無祿尹姑舊衣冠一朝猶可復達人善
持盈名乃身後福置身廉讓間前賢踵遺躅

河邊長飲河漢旁但吸漢清濁無所分同流方自見人
言當嚼冰穢惡莫如炭清濁俱堅冰河漢如一貫棄炭

在水中服之腸未爛所以至人心觀海發長嘆細大何不容噉噉反零亂

崇朝天無雲亭午西風雨一日半陰晴彼蒼應有主螻蟻常出封鳴禽矚其羽萬物各得時乘化自終古吾生亦有涯可樂莫愁苦朝朝數米炊不足無所補日日備春糧有餘不須吐但當牖戶牢不取下民侮何必問祁寒怨咨輕喜怒

昔爲秀才時自許如琬琰聲價日以遙浮華不稍斂自任學希文狂懷慕曾點日月忽已馳言行猶不掩終非席上珍投老有瑕玷雖磨尚可爲已覺所生忝造物鑄羣生豪者落坎窞時去勢亦移和舒變愁慘知非惜己遲人世又何憾

長安十載遊交盡天下士縞紵無所投常恐門戶起文學不乏人望古不勝指轅固與申培好學立風軌相如及王褒爲文亦華美惜無董江都授受天人理糟粕非可欣詞賦非可喜於道渺無聞有媿昌黎子

怯影不就陰好交又孰吝出入多憂虞何事自取疚怯是膽所爲好乃情所近一身不能持况涉三軍陣一人不接歡矧乃歷秦晉狐疑實敗謀蹇嗇何由振不見張子房破產令名震翩然脫虎狼終與赤松親至今垂英

風圮橋日益峻

官以宦成頹病從少愈劇先民爲此言其理亦昭灼官淺猶不知病深受束縛風日俱成仇陰陽憑作惡三夏衣匪單初秋裘已薄何曾藥可瘳但覺瞋眩虐人生窮達模用壯可揮霍留此龍鍾軀枉爲乾死夔馮唐白首郎雖老未落魄

室思

依依楊柳條隨風渡江水隔岸是郎家不得傍階祀鷄鳴江水生月落江水死看月復聞鷄盈盈千萬里昨夜見鮫人新綃逾錦綺買綃爲上襦欲充君子體何時得鹿臯詩集

卷一

十四

見郎憂心急如矢淚下如逆珠鮫人不忍視誠素托微波願言合兩美

金山人屬南珍書黨籍碑

籍甚碑中名輝煌史上烈當年寫碑人千載有遺孽高掛草堂前雷霆劈冰雪徬徨不忍觀敬恭對賢哲山人亦好事屬書摹巨碣祇恐鬼神知安民惱不徹夜夜吐光芒精靈不終絕行當寶匣函縮筆兼捫舌

寄舊

顏色干霜露當秋念益悲低徊思舊賦感憤七哀詩出處固殊轍飄搖寄一枝高飛不擇木遂爲弋者欺回首

憶儔侶羽翼故差池在山蘊德輝還山杳無期西風掠
歸鴈天遠附書遲朝來減一餐暮至蹙雙眉日月從茲
老之子安得知

吳學博招看秋色

伏生授經處四座生光輝秋草呈五色書帶紛相依如
遊錦繡場不張霜雪威豐顏皆渥楮麗景薄輕肥相對
却忘老會心欲忘歸君當勵抑戒子亦化知非晚節從
所尚莫謂知者稀

屋漏

天地爲穹廬四嶽爲几案沐浴日月中騰身跨汗漫有
鹿臯詩集

卷一

五

似御風行自覺冷然善胡爲局一方觸此當世患風雨
所飄搖颯遯苦鳴鶴滴滴到繩床瀕洞成河漢欲以一
木支碎瓦紛凌亂如何脫艱虞不就鑪錘鍛手握北斗
杓足躡六鼇面哀號徹九閭通辭藉雷電贏得天帝憐
起我於塗炭

室思

誰謂君棄我錦字遠相將誰謂我不思玉匣深闕藏時
來憶芳徽拂絹掛中堂見字如見君再拜起傍徨我有
四愁曲夙昔達君傍願承君子歡下筆誠恐惶君能惠
我私顧盼生輝光先民亦有言久要貴不忘仰看明月

遲令德終播揚

晒書

紅日半牕明陳編簷下颺飛雨簸西風狂來不及障白
蟬亂浮沉牙籤紛蕩漾不論史與經狼狽如覆醬嗟子
當流離聖賢亦遭創不入鄴侯家偏依不繫舫汎愛枉
追隨漂泊五湖漲酌汝酒一盃福我致卿相用汝治平
規躋我廟廊上不然靡所歸當從汲冢葬五十九年非
活埋同汝壙

解龜

清晨看海塘大龜向我泣淚下不成珠但見塘土濕亟

鹿皇詩集

卷一

六

放乘潮迴詰朝旋復入窮黎爭解之刀錐一時集爪甲
若雲飛頭顱衆競執白肉如雪紛鬻割徧城邑爾本水
中靈曷爲不自戢猛虎下山岡居人羣岌岌爾烹鼎鑊
間猶欲指其汁貨貝叢爾身如何不共拾枯魚母過河
戒之悔莫及

采蓮

采蓮湖水東蓮房大如斧食子棄其心共說蓮心苦我
心卽蓮心其甘如馬乳念爾水中生潔不染泥土受土
皆作甘爾獨黃連伍水陸有同情至味契肝腑母爲世
所吞寧爲世所吐心苦殆有憂食之良有補

遣興

形骸與世違，鈍根如頑鐵。廢棄固所甘，愛憎起煤蘖。置之大冶間，鍛鍊日益烈。精粗無所呈，形骸漸銷削。古稱歐冶子，匠石同明哲。樛櫟猶弗戕，頑鐵何勞鑿。詎以百鍊剛，出自鐵中血。苦辛寧敢辭，爲器表奇節。恐作屠龍刀，技成用亦絕。自處苟不高，進退皆爲孽。

乞竹

高樛盡成陰，叢棘紛滿目。却憶坐幽篁，不到筓簞谷。路出竹竿圍，風聲擊寒玉。移情入耳根，乞得淇園葉。問訊報平安，初栽宜顧復。朝暾藉暄妍，秋霖常沐浴。明春遂爲林，猗猗期在速。漫作主人翁，不問知舊牧。來看莫折枝，一斷不可續。或釣嚴溪魚，絲緡有芳躅。或爲公堂笞，傷我百姓肉。此物本無心，出世任榮辱。鴉萃從叫號，鳳來邀止宿。有子如琅玕，直作豐年粟。慰我離索懷，庶免窮途哭。追隨有夙緣，子猷實吾族。

日華

日華開五色，照耀彌天涯。四海挹光輝，浮雲不能遮。浮雲常蔽日，反走避天葩。世人愛嘉瑞，芝草挺瑤花。本爲地靈出一見，止驚呀金鳥。展六翮，非暈又非霞。雕龍與炙轂，行也窮齒牙。大聲呼屈宋，騷賦亦難誇。欲問江都

相奇異何以加當云書所載帝德頌重華

舊興

朝衫不在笥象笏亦去手豈敢故辭榮官職獨難守江
干久滯淫倏忽成老叟一杖凌崎嶇安行不遑走爲郎
未幾時非從大夫後階前見舊輿蒙戎垢且醜拭拂往
時塵有如露衿肘敝帷當可焚一馬已無有敝蓋莫棄
捐家尚餘一狗憑式類勞薪炊爨漫餬口決裂無復完
何堪易升斗世人欲求售拙於用大否無力致千金聊
享此敝帚

夜春

鹿臯詩集

卷一

六

舍南千斯倉舍北萬斯杵秋風馭杵聲遙聞兒女語新
月隱林梢孤鴈叫洲渚母乃稻梁謀感時急呼侶年豐
物情舒滯穗棄如許橫縱不拾遺富及雀與鼠朝來有
酒沽暮來無酒消夜夜理新糧葦火明若炬村居樂事
多相忘在逆旅

漫興

撫事又微吟如破止酒戒陶然醉復醒始識飲時快家
在白雲鄉身依黃浦界泛泛類浮槎風濤壯行邁不知
謂我驕心憂天地監歌謠率其真飄零猶未懈秋來風
雨多薪貴莫償債檢點代荆榛叫號孺子怪飢寒皆此

編不直一稊稗窮愁漫著書愁深何處賣

五兒入學

種竹看凌雲栽桐欲戾日東園樂事饒新題費紙筆稚
子騎馬來不覓梨與栗強解拜堂前歡欣揭書帙鏗鏘
三字經崇朝授一一學古得其華播穫看獲實念茲齟
齟年何時方有述吾老嗜讀書竊取詩禮術經訓乃蓄
畚精勤致習吉天運不我艱克家從此出

責夢

失足入朱門不顧冰山涸夜夜夢中遊羣公如有約平
生澹泊心乃爲富貴縛耻至辱亦隨榮華詎可托甚矣
鹿臯詩集 卷一 九
覺吾衰今是非在昨

憐雪雀

依依苦向人未覺乾坤大積雪滿平原無枝得安坐雖
兆十年豐不救今朝餓子餅罄亦頻欲借南箕簸殘膏
尚可活何事埋頭臥聞之喜應狂躍躍以自賀

友人送糶

昔我濫太倉歲支三百斛縣官不我訶湛恩實優渥不
謂蝨其間無籍應去祿流落大江南飢餓徒坦腹故人
遺我糶珠翠如露霖不釀玻瓈春惟煎蘆菔粥穉兒在
門東旣飽仍復哭人皆飫膏粱我獨枵半菽烏雀棄其

餘得食亦慚惡穉兒且莫譁此是豐年福糠粃尚可餐
虛糜何所辱不見依婚姻行野歌采蓬

示南珍南璞

吳簞村云公在難中二子背而哭者屢矣故示

自我喪親時淚珠不去眼今我尚生存愁兒識事淺迺
聞念我艱痛哭不自遣我躬負聖言篤敬疎黽勉我罪
賴

聖恩肯災幸已免夕死夙所安兒行當益展上以通神
明豈徒門內踐我老無以遺自致萬金產經訓乃蓄翁
願言飭揚顯

淮徐流民

鹿臯詩集

卷一

二

頭上無敝冠足下無完裙去家千百里提挈非兒孫生
者亦他適歿者已離魂人滿天所戒水禍汝何冤縣官
有明詔還定歸田園慎毋棄故鄉家室當可團子囊本
羞澁一錢準壺殮指汝北歸路竊附仁者言

自題江湖閒吟圖

形骸非汝有寧論肥與癯心思非汝有寧計愁與娛不
有將誰屬認此百年軀愁能令人瘦娛則令人腴瘦腴
俱在外愁娛爲之模詩詞本情性內外曾無殊今我其
迷方無知作此圖唐堂有言曰潮州滯韓子海外淹大
蘇鹿臯王氏子乃復佔江湖其風皆肆好其詩展良謨

千古固同軌風流原不孤果爾吾無愧何當見大巫留
以示孫子不忘困三吳

補碗

卓哉顏氏子簞瓢堅不漏豈以竹木姿能勝金石鬪缺
憾當補苴鑽之力恐後區區任刀錐雖完焉得壽所願
粥與饘有穀宜左右

小銅鯨爲筆架

天然二寸魚陶鑄亦已久頭角儼生成怒目如將吼猶
作掉尾形欲挾風雷走中書毛氏翁好奇無可耦暇則
騎其顛偃息脫人手相倚遂成隣立功當不朽玉山俱
鹿皇詩集 卷一 三

等閒英石易蒙垢偉矣鱗鬣雄伴予呼小友

磁水注

有虞氏尚象良器不苦窳悠悠千百年其制莫可覩茲
注類小缸濶口供納吐位置安不危有足更無取潮來
挹清波墨酣清厚醅雲烟几上生儼作風騷主豈曰斗
筭才不及簋與簠古色綠沉沉神光耀栩栩助我戰蛟
蚪江干人敢侮留以示孫曾爲渠載圖譜

草書寄南球

負郭久荒蕪石田視古硯或因坐位爭敵以過庭傳非
關紙上形實出心中撰茲邦識者稀附和漫稱善歲得

億萬錢取供菰米麪遂使墨猪形江鄉飛片片念汝治
真行未遑辨使轉使轉出孫過庭書評爲學有階程居後不可先
此亦詩禮模兼通乃爲彥望汝非一朝十載無由見題
緘當南金欲題淚如霰

珍兒寄皮衣至

耐寒非一冬雖僵猶骨立念汝滯邊疆飢渴愁駢集開
緘幸苟無不作兒女泣敝裘亦葳蕤萬里遙什襲北風
蕭瑟來禦之需補緝絕勝俗與絺淒其正羞澁嗟汝膝
下孫盼望久嗚嗚何當衣被周解此倒懸急

西星

或曰含卓

鹿皇詩集

卷一

三

西星有奇光白氣指東方長天雖未竟綽有千丈強經
月尚不散莫辨爲災祥日月猶薄蝕雲物亦渺茫先師
不語怪萬事歸綱常自有讖緯書見之輒徬徨王者但
修省惠廸致永昌消彼天上禮保此下民康乞言兼罪
已古帝視禹湯天人本一氣補救庸何傷

燈檠

老悖廢詩書宦窮絕珠翠蘭膏照熒熒繩床伴假寐昌
黎嘗賦詩長短初終異我豈異人情居處非其位燈檠
知我深投閒亦得地

賦得振衣千仞岡

衣塵不可曳，抖擻藉天風。天風隨地有，峻潔在高峯。登之造其極，衫袖白雲通。衆山一何小，寰海一何濛。俯視熙穰民，來往山海中。我亦世間人，所處良獨崇。上衣旣已蠲，下衣無所蒙。一振自辟易，夷惠將無同。

賦得濯足萬里流

沐浴在盤中，潔身取諸邇。旣潔又何求，局促因厥趾。惟當尋其源，流水通萬里。清濁無所分，滄浪未足擬。臨波寂無風，亂流得坎止。洗足如洗心，安心不洗耳。回首謝巢由，亦各致芳軌。

山居雜咏

鹿臯詩集

卷一

三

僕本野人少，長巖壑。雖好雲遊終，懷石隱。追述舊歡，欣然得句，有先後無殊旨也。

開畬

膏腴非所求，町疇力可闢。揮鋤趁陰晴，爲井當避石。平者種秫秔，畸者植菽麥。歲暮輸王供，春酒樂賓客。所願風雨時，暢茂無蠹賊。山中嵐氣深，歸來日未夕。

伐木

芄芄成穢墟，蕩滌當剪伐。許許齊其聲，邪邪振林樾。大木可爲梁，餘材備楔榭。小木樹雞柵，爲薪齊楛柮。自茲疎密宜，山夜露明月。瘠土偏易生，乘春看萌蘖。

移石

結穴傍巉巖戶庭皆磊砢參錯礙當途易位勇而果或
正扶其偏或危置其妥爲丈合居前爲友右與左相對
不知頑耐久惟茲可拜下戒莫言能言召災禍

引泉

石頭長觥沸非醴亦清甘不用汲修綆兒童可負擔遠
引弛其力伐竹剖雙函一竹僅尋尺數竹如葛覃泠泠
達竈下挹之酌不貪尋源遙可溯只在此山南

網雉

忘機羣鳥狎繞宅自翱翔睨睨畫眉啼好鬪何強梁獨

鹿皇詩集

卷一

音

愛雉子斑羽翼有文章嘗聞齊人術招致艾如張畢之
又羅之母乃類鴛鴦設網聽自至不至隨遠揚

射虎

麋鹿豕羣俟俟豺狼侶與人非有爭弋獲供鼎俎惟
汝老於菟無良當亟禦毒矢鏑可嬰勁弓力可舉遠害
貴自強豈曰柔則茹食肉兼寢皮吾欲踐斯語

牧牛

春田旣已犁春草復萋萋牛兮食細草隴畝自高低有
石礪厥角有犢呼不迷但當勿相鬪壯長用力齊雖非
大臣側一命及山妻絕勝城南隅牧豕傍牛蹄

刈葛

無衣不剪荷無裳不綴蒞山中常早寒不厭縕袍敝我
愛夏日長采葛漸流甜蒙棘蒙楚間揮鎌解其締爲絺
稱體輕爲綌足婁曳瀟灑清風生未覺章服麗

采藥

老至不知衰飢來惟服粥到處藥苗肥長鏡刷黃獨其
類日以繁水芝通白茯苓物皆土肪歲月結巖谷不采
韞精華采之備旨蓄托命非所云養心在寡慾

種松

野竹千萬竿不能招鳳鸞何如種松栢猶堪共歲寒植

鹿皇詩集

卷一

三

根貴深固爪膚莫摧殘直幹當摩空蚪枝任屈蟠花落
紛如雨和露準晨餐待作老龍鱗終日撫盤桓

看燒

前山有烈光四面明如晝雷稷聿有聲亂石紛相鬪豺
狼何處逃鷹鷂莫能救一炬去所憎乾坤應不宥昨日
列青屏詰朝成黝岫海水深且遙沃焦功豈驟惟有草
木根東風吹又茂

臥雲

朝從白雲餐晚與白雲宿衣裳冷不知散髮如新沐風
露助其清祓濯埃塵毒雲生興俱移雲飛心不逐起坐

石床間白雲一茅屋高臥學希夷大夢有先覺

續山居雜咏

葺茅

鵲巢在高柯綢繆日益固今我托林中三椽一破篔簹風
雨肆其狂霜雪若相妬腐草易飄搖艱危終旦暮于茅
復索綯拮据自工作大兒能縛簷小兒學安措雖非堂
構模醴粥守吾素

治蹊

一徑去人羣崎嶇不肯到履跡日以疎榛茅輒爲暴充
塞在爲間行行失故道揮鋤拔其根有如勤洒掃來去
鹿臯詩集 卷一 美
識牛羊光明回虎豹貴潔不貴汙莫使困泥淖心境當
豁然豈曰仁者樂

負薪

庭中皆落葉燎爨突已黔暇豫弛其力致力不勝任惟
當持斧子一往入山深械樸非盤錯猶須備厥樵一束
何翹翹再束何森森兩肩足負荷夷猶更行吟山妻不
我棄唱和助清音

晒笋

薇蕨生以時藜藿有時撤所嗜在龍孫甘脆見微節折
生代烹鮮粗熟需麩蘖厚浸吸其醇晒晾勵堅潔朝朝

向驕陽醞藉香彌烈老齒皆動搖臨餐緩嚼齧不是膏
梁族無妨獨饗餐

拾果

常耽種樹書不收桃李實到處見離離松子及橡栗拾
取攜滿筐不學猿猴術饑來或一嘗疎爽去沉疾時於
木石間流黃露蜂蜜念此蘭蕙膏菁華更無匹第恐螫
毒傷袖手猶戰慄

不冠

都人重臺笠虞人貴獸皮非虞又非都科頭嬾最宜斑
白豈爲飾鬢鬆不礙眉蝸蟬亦多事生來卽有綏適越
鹿臯詩集 卷一 三
資章甫善賈亦如癡椎結隨所願桎梏令人嗤不見簪
華簪徒爲世網欺

跣足

閒隨麋鹿行日日上邱壟幸無葛屨縻偏驚珠履寵所
踐苟有違却貴齊人踊山中雪作冰舉趾得無恐惟此
戰且兢雖跣覺容重清澗萬里流濯之去塵冗莫作下
山遊翠微荆棘茸

吟嘯

石洞得奇書不知何代物終日事沉吟疑義近仙佛原
非治世資聳牙任佶屈倦後入雲峯舒嘯去佛鬱山應

谷亦鳴恍若雷霆歎心口共超然有伸無所紬天扉或
開時一登庶可乞

課子

爲己世所需爲治亦世用二者弗爲良何如同抱喪仁
義乃原田播穫藉嘉種履蹈卽有秋上農足殫糞聚族
亦於斯誰敢侮題鳳植根倘不深外物易爲動甑中有
黃粱不信試一夢

客至

吠犬走且僵羣雞噪而窺衣冠固動人畜產方散亂良
由所見稀生新起畏憚未問寒與暄先訊憂與患坐久
鹿皇詩集 卷一 三
旣無稽爲黍兒曹辦莫歌反招隱出處兩泮岸相送返
自嗥小別猶感歎

對瀑

屋角雷轟轟懸瀑怒激碎銀絲自天降一瀉歸滄溟時
來將掬飲滾滾若龍形一飲不滿腹惟恐與龍爭人間
常苦旱得雨謝青冥巖頭異氣候曾無一日晴爲霖澤
及遠滴滴爲蒼生

示竊

有壁方可穿有墻方可踰顧此蓬華間覬覦亦非夫甕
米不盈斗桁孺不完膚猶來騎屋山嗟汝一何愚常聞

竊國侯不肯竊鉤誅况乃負盜名所竊無錙銖亟返當
收圖不返喪其軀

後山居雜咏

鑄崖

隱處非有求庚桑居畏壘爰以邱壑情不作華陰市今
我闢奧區耕鑿在經始剗削去荆榛高低隨岵岵某阿
陟可田某泉甘可酌夕陽面可廬山椒石可砥用物兼
取材參錯就條理夫書示來茲深刻磨石齒苔生成綠
文岫嶼何敢擬後人過讀之廼識極崖子

釣湫

鹿皇詩集

卷一

五

深清百丈潭遊魚佔靈境大作掉尾形小逐於物影不
餌漫垂綸有如汲修綆悠然逝無蹤當機一何警或云
龍所家古湫號龍井雲雨幻斯須白晝青天冥凜乎不
可留曰歸方猛省幸未觸逆鱗豈敢咽其髓

烹澗

一簞與一瓢飢渴不爲病曾愛盧玉川啜茗若成性非
無爐扇供烟火貴清淨行行南澗濱地偏人跡屏挹注
入嘉磁魚眼動傾聽雖無顧渚春猶得茗柯柄喉口倏
通神清風生不競方知陸井渾未覺中冷勝欣欣得獨
醒從此罷中聖

縛帚

四海既永清天下不掃除安居事一室吾亦愛吾廬陶句
傲帚享千金聊云樂只且已傲當復縛剪伐不須樗疎
枝搜苦竹勁葉取楨欄密比束其固庭院日爬梳伊威
不能踞蠨蛸無所儲耳目一以豁塵垢歸子虛朝朝受
清氣何必賦遂初

削杖

行年六十強日覺膚肉皺常陟千仞岡衆先予獨後歛
見古木籐杖材何獨秀截取磋其皮任樸不雕鏤莫作
鳩婦形哽咽尚無詬自倚不扶人出入隨懷袖比於桃
鹿皇詩集 卷一 三
竹良亦備蛟龍鬪於國何可期恃茲當不仆履蹈莫如
恭或云恭則壽

植架

林樾匝重圍瓜壺不遠附蔓延性則然植架引其步綠
葉蔽空庭聊可障毒霧長夏貯清陰涼秋實布蔭纍纍
千百懸大小蒂相傳嘉蔬在目前無須學爲圃夙昔讀
幽風樹藝皆可慕今茲七八月食斷猶堪賦毋若五石
瓠用大取謬誤

尋芳

幽香到山庭縹緲百花氣蜂蝶爲之媒嫁與東風婿却

使外人聞微笑故含睇閒來次第求撲鼻首蘭蕙梔子
結同心姊妹若聯袂野花有十姊妹就中不知名鷹爪以形系
野芳亦足娛莫誇梅與桂巖穴一名園孰云爲避世

選硤

刀劍備不虞斧斤有攸利鋒鏑宜斂藏磨鈍在克治金
石兩相成所貴利其器山石有精粗枕漱隨位置平者
砥之資周道曾取譬用以礪鋒芒不爲渾脫戲邪出吾
將斬豈抱挈瓶智吁嗟周道衰如砥供履視今我處太
平以砥通道藝刮垢復磨光直作邱園貴

結鄰

鹿臯詩集

卷一

三

海燕皆有匹野鶴豈無羣萬物各依族所以成芸芸山
北炊烟起山南雞犬聞南北雖異路脉絡一山分胡不
比閭接晨昏藉慙慙刺竹插爲城怪石樹爲門非唯待
暴客亦以固山村理亂總不覺長奉堯舜君

飲蜡

終歲在田間相將出入友賴此歲功成方社德已厚於
俎薦豚蹄於尊具黍酒凡我陌相連依依聚童叟擊鼓
奮其聲吹豳和其口沮溺知我心親睦俱佳耦泥飲各
自譁如量不計卣所願屢豐年爲醴媚黃耆

驅鬼

昔我遊江濱射工弗能毒豈有辟邪方正直誠且篤今
爾魑魅流白日駭鄰曲雞狗那得寧兒童遁且哭出沒
何所求醜形不慚惡老翁鬼谷師視鬼如禽畜殺戮非
不仁姑息乃取辱古劍嘗吹毛一斷不復續誓將決汝
曹廓清歸掌握不見大鯢來宣聖亦驅逐

却薦

蟠嵒山澤癯曾無輔世畧所好讀黃虞慕古微有託不
知謂我豪將以咨民瘼折足當取譏撫心得無忤不合
識時人浮名自束縛千秋萬歲餘猶當奪其爵勿爲廟
中犧寧作雲中鶚文采一時新翱翔九霄樂

鹿臯詩集

卷一

三

廣後山居雜咏

雲海

島嶼海中山乘潮出復沒雲濤山外海瀕洞生髣髴不
辨爲蓬萊還疑近溟渤蒼茫象萬千簸蕩竦毛髮乾坤
返鴻濛白晝掩日月嘗聞黃山巔有此大奇崛臥遊昔
所思親見今何粹宛在水中央山靈興猶勃

峯魚

石峯千萬仞時有白雲封非雨亦非瀑晝夜滴淥淥望
之如有物心疑爲躍龍神魚忽墜落如葉委飄風依然
具鱗鬣投崖氣力雄隱隱見金色不與凡魚同安知非

龍種寄托此峯中有湫在其下逝矣莫能窮

山梁

兩崖聳如肩相去逾百步誰將一氣通石梁空裏布當
是巨靈神不干天地怒揮手補其缺留與世人度五丁
惜未經對之定驚怖下有萬仞淵蛟螭不可捕堅臥守
山門亦自致雲霧吁嘻乎危哉舉足生戩懼

鼎爐

王子本仙宗不聞治鉛汞列仙彼何人在此避塵冗猶
存鼎與爐拔地不爲動鼎豈百鍊鋼爐具三足聳古色
綠又紅奚啻壁而拱饈粥莫相汙芝木可供奉聊將水
火調氣候出丹種神物能娛人愛之常手捧

鹿茸詩集

卷一

三

芝菌

清淑萃巖扃精華吐芝菌發越在何年斑駁自含蘊根
蒂亦搖搖雙莖粘石笋世人重禳祥一見起恭謹草木
本尋常採擷供笑哂入山日以深奇異日以近不識有
谷神不死變玄化卽使遇五芝豈能瘳疾痰

石衣

巉巖亦冥頑渾樸何緣飾苔蘚遂成衣依附反相得雨
露漸涵濡霜雪潤顏色遠望若披蓑近觀如瑩積蒼蒼
變爲黧歲久甚於墨自衛方益堅日後不能蝕繫予患

清渴掬澗煮而食飄然幾欲仙
衫袖生羽翼大都受輕

竹籬

前身出嶰谷愛米故爲雞
朝朝山夜曉深叢不覺啼
竹老米更多宿食勝稗穉
鳳鳥杳不至老死無分攜
卵育繁其族匹耦亦夫妻
笑殺祝家翁孳息競時栖
胡不縱竹林山禽羣欲逃
家山各異類斯物猶可齊

木瘦

松皮作龍鱗松枝施女蘿
貴賤無所分遠不召斧柯
古木生厥瘦觀者輒詆訶
盤紆兼菌蠢詆訶意則那
謂爲萬乘器上以供尊犧
吁嗟木之災華美反爲疴
何如山間天年猶足多可
笑馬腫背路人目駢駝木
瘦何異此吾意其蹉跎

紅葉

萬壑盡飄丹山村揚烈焰
經冬日益滋光華不自斂
非關白露侵良由青女染
行人爲停車倦客倚嵯岈
愛此麗而葩硃砂散萬點
淒風從北來涼雨集有滄
渥赭欲然空絳雲豈能掩
烟爍射雙眸已覺春花減

禽言

百鳥皆有言生前爲物化
姑惡最分明啼聲尚驚詫
快

哉提葫蘆寄興在杯竿行不得哥哥似嘲還似訝明朝
結箇窠綢繆真善暇鳳凰不如我羣禽俱在下架犁復
架犁勸農務耕稼不如歸去今斯言寧有假聆此契子
心匪特綿蠻罷強解梅聖俞多言頻假借

兔窟

學書需兔毫拔毫不忍殺當其羅致時趨趨何狡猾一
窟傍荒畦一窟依草茁一窟逃其方出入恣奸黠遇犬
數乃窮不遇安窟穴前山有麝香弋人逐勇決戈鋌當
及身噬齧亟自拔何如索象焚貪心亦太忒誠汝善閉
藏有口可長缺

鹿臯詩集

卷一

三

玉輝

空山夜有光發祥根巨石固知玉在中韞之匪朝夕所
幸世莫窺常恐遭霹靂雕琢壽永昌流傳良赫奕出世
損其真欲出方有責無淚若江河有足不爲覺美璞任
自然山鬼詎能索行將乞六丁呵護保無斃造物愛精
華在今猶在昔

江湖閒吟卷二

漳浦王 道直夫氏著

五言古體詩

述懷

日居月諸駸駸斑白言念劬勞及茲輒軻慨焉
感懷紙墨遂多淵明有云今我不述後生何聞
哉賢哲自愛猶恒情爾

我生聞始平依山尚棲遯夜夜石巖中啼聲千衆怨阿
母速掩口餘寇害稍遠提攜反舊廬岐嶷克餐飯王父
曾王父迭抱破窮悶人前指蓼莪謂愜書鄉願匪莪迺
鹿臯詩集 卷二 一
爲蒿莫挽九原恨

家居不近郭負郭竟無田筆舌資耕耨凶豐屬陳編嚴
親忽不祿熒熒勺象年母妹四十指拮据備晨饘王父
挈其領前途令勉旃低頭撫厚地仰首盼高天死生寧
足論痛楚絕人憐

蒔竹春有笋滋蘭秋有蓀望子匪朝夕依依五弟昆雖
與陶令肖恩勤難具言孀親頻一笑裕後屬諸孫學稼
能扶犁治蔬同灌園何必好紙筆又探貧賤源離經當
收犢衣褐避高軒

柏生桃李間不花晚亦實嗟汝二三子同氣異顏色入

則列名卿

蔡梁村

出則位邦伯

藍鹿洲

光華照四隣相繼歸

窀穸而我犬馬年差長頭始白窮達天所司寧敢計豐
嗇前身或爲樗不材老其力

策蹇謁皇都藍衫見

天子六堂千百人推爲天下士懷書出鳳樓作宰峯泖
里民梗課更嚴鬼蜮互爲市孤直迷其方白晳墜泥滓
一墜轉沉迷禍機從此始

有雉不高飛顛連入兔網虞人得之喜耿介一朝枉昔
爲文明雖今作鼎俎享志士不忍餐衝冠髮盡上不見
種甘瓠近井資井養蝮蛇出其旁螫蒂瓠不長禍來豈

鹿臯詩集

卷二

二

有根斯理識可廣

平生不强顏茲膝况可屈張大長官威禮在罔敢拂臣
道昧死上罪實由隸卒訛法滅見聞旁人得攻許臣實
蝨其間俯首膺巨罰

章服不禦寒終朝况已褫殘牘高連屋寧可代薪炊上
農食九人八口尚懷飢分張各異縣惟此膝前兒學語
習吳音吳人辨不知棄官如可家久僑亦一支倘有陽
美田南歸其遲遲

江天無豺虎匝地盡蚊蟲驅除力弗任青蠅又營營耳
目成疾疢何能去所憎紅蓼自奮發蓼蟲紛縱橫念茲

嗜酸辣作繭戀根莖移置蜜桃樹宛轉傷其生物以苦
爲性對之怡我情

樓頭夜讀書八窓通四野天地向茫然朝朝望來者蜀
日自升沉粵雪自高下亂吠誠有之見怪緣識寡寂寞
大江南居諸春又夏千里不唾井茲樓寧肯捨公愚谷
亦愚暫得我心寫

客從遠方來遺我大秦珠謂我貧至此良用佐區區捧
珠汗四出懷寶罪豈徒此爲萬乘器顧我亦匹夫欲賣
世無價欲獻世無塗載歸大海中波動羣龍趨雖非願
下取與之亦歡娛神物有顯晦人間焉可需

鹿臯詩集

卷二

三

孤蓬亦有根隨風轉天涯因風不復返當春根又芽人
生如浮查四海以爲家左手執干將右手提莫邪有仇
終不報有功焉肯誇自唱還自和奏雅別淫哇瑯琊大
道王時或入琵琶

大兒知我寒寄衣自燕薊三兒念我衰學醫投藥劑球
兒慰我愁書來隱其勸瑤子垂六齡認字日百計飲酒
還獨醒寤言猶獨寐如何淚滿膺萬斛太倉累鼠雀良
負予淹留歲復歲

哭母淚已枯被砍肱亦折放歸雖未還

空恩感獨切思報以賤軀欲塞黃河決石林久不平

謂河

决石所需赤手拮負土伐蘆柴終奏安瀾烈無籍誰可
通舉足恨羈縲躑躅不能言中夜白嗚咽

白日舍我去不作魯陽回浮雲又蔽之陰陰暮景催智
者與時競色老心尚孩愚者寂無爲時去但與哀義和
有常馭羸縮令人猜黃楊獨阨閏脆木本無材所以貴
後彫霜雪不能災

天台有故人寄我萬年杖云是神仙遺出入莫去掌颺
颺不敢窺魑魅不敢仰果爾乃龍精乖龍焉得攘於國
祝豐年於朝歌擊壤篋瓢挂其顛行行亦瀟爽倘遇河
上公或訝列仙長

鹿皇詩集

卷二

四

君子愛抱孫我孫遠萬里未知犀角豐已脫生來齒人
言隔山啼所愛獨兒子孫子本同情思之淚如水臨餐
徹其甘有餽留其旨莫致路迢迢如聞叫庚癸寄書閩
海陬聊作萬金擬髮白猶可梳鬚白鑷可恥他年王父
尸音容俱在爾

塵鏡不須磨猶能掩厥醜人心苟自知止水亦可剖僕
僕衣上塵出入易蒙垢人言休洗紅洗頰紅不有吾嘗
取太玄雖緇難自守大江沂門前清濁皆翁受日日浣
其汙江神不我咎

大風西北來芙蓉落江水本以朝暮姿榮枯一時起天

地方疾威摧折先彼美白蘋處中流開謝付沱渚荇菜
在河洲采芼良有以托身貴得地利害無常理大風正
愁子作此芙蓉詠

枯藤絡高桐桐衰藤亦老以直故清疎用柔能自葆相
與遂同羣獨立風中纛我來輒摩挲敗葉自除掃問年
逾我強兄事入懷抱少陵四松儔令終心所禱其下石
丈高足備忘年好他日當繪圖別後圖可考

讀易無苦功大過遂爲叢觀象復玩占進退總蒙蒙人
事有生殺天時迭始終天人一以乖欲寡滋益攻今者
耳不順良由蔽厥聰一年揣一卦假年莫能窮先師尚
鹿臯詩集 卷二 五

三絕我輩罪在慵補過罪可祛羣聖啓其衷

士人呼我師庶人稱我母教養兩已虧聞之生媿忸士
庶前致辭公德深且厚下邑本疲繁振刷蔽厥醜威立
愛亦行豈徒碑在口僑茲八稔餘旦暮環童叟生男爲
我兒生女爲我有金俗生子必過繼不能拒也貴賤無所分朝朝致
牛酒受餽有何名曰爲長者壽

桃蟲在藩間倏忽變爲鵬衆鳥處其下大小有殊稱鳳
凰在九霄視此如蒼蠅大者固自大一出天下寧小者
固自小徒爲毛羽驚達人遺細故與世淡無爭有如龍
德隱可潛還可升

夙昔患羸弱常貽父母憂及老轉強健二人在冥幽但知兒疾苦不知兒體道茲憂莫可釋負罪等山邱幸無手足傷以爲虧辱羞奈何名不立世網觸愆尤摧肝更泣血自覺此生偷

東園可十畝一半牡丹亭自我寄木榻荒草沒秋棚富貴種已絕無根那有莖回首謝主人興敗理相仍昔爲金谷筵今爲飛鳥聽不見彼高岸翻爲谷與陵

十丈假山松五色山畔菊佳興屬深秋奇姿媚幽獨遙憐三逕荒對之思愈酷宅邊雙荔奴亭亭車蓋覆何日憇其陰拄頤面梁鹿更作三年淹定無一錐卓雲水十
虎皇詩集 卷二
萬重可望不可縮

府帖催官租縣牒問官逋清晨聞剝啄雞遯狗亦徂悉索莫爲應隱忍待追呼長安有故舊桑下無餓夫誰當赴急難低徊類守株鰥官無足樂去官累在帑天長地又濶我馬其踟躕

謀道猶未臧光陰嗟已逝六十四年非一往不可治克己若大師截斷爲利器寸鐵殺人方孳孳佩禮義苟能去偏頗考祥在視履

庚桑亦人豪居處耽畏壘能使一時民被德致淳美治化握其源張大徒爲爾作牧已懷慚撫古方自鄙不幸

踵孟明再用莫雪恥歸來鍵柴扉但稱極崖子

梅雨

密雨釀黃梅兩晴梅未熟寒燠變朝昏離離間青綠聞
中少婦愁見梅眉已蹙摘食忌辛酸愁心酸更酷伐梅
除其根梅時憶遠人無梅愁尚可心酸愁殺我

七哀

本韻語陽秋之數而以
事屬之非擬陳王也

痛而哀撫桐杖也

窮居無斗升有祿不及養親亡祿亦隨陟屺又何望霜
露歷歲年莫治牛眠壙哀至不欲生死殉更無狀柴毀
覩視人行行撫桐杖非能節所哀歸葬不遺忘

鹿皇詩集

卷二

七

義而哀懷死友也

我生鮮兄弟獨賴出門功磨礪兼潤澤學術致稍豐匪
敢役名勤出處曾不同悠悠數十載藍蔡宦不終謂藍
鹿洲
太守蔡梁
村宗伯他齋歿牖下謂陳
少林鹿坡殯閩中謂李鱗
容死榕城蓋
棺多不見金石歸虛空有淚滴天涯隨波到江東

感而哀獨學陋也

中歲頗好道右丞仕學慕兼優惟思敦踐履不敢事冥
搜性頑根又鈍黽勉力猶浮今者墜坑塹淹留江海陬
請業日以衆為師更有憂言行貴交慎何能去愆尤方
知衛武詩提命為良箚

怨而哀感世塗也

在險而運奇舉世莫不爾奇兵尚可摧奇心焉可擬有機必有事禍患曷能已德厚多不酬怨小報沒齒大都以勢言勢窮趨則止利與仁義間孟氏有明指三復石邱言民瘼貴治理

耳目聞見而哀傷水旱也

淹留大江南而有江北患河決石林隄流民鴻鴈散心憂方未平歛報閩中旱斗米不計錢十口糧何辦縣官飢溺懷漕儲賑如霰遐邇固周沾溪谷恐未遍一夫倘向隅枵腹亦思亂

鹿臯詩集

卷二

八

口歎而哀身被創也

孤直古所許特立世所擠黽勉赴事功不敢與人齊時逢阻抑前路俾昏迷彎弓射其左毒弩中其西無能逞勇決含忍抱酸悽章身非美服困辱在塗泥禍來常無根解結思佩觿

鼻酸而哀家分張也

雲散旋復聚海汐應時潮盈縮自天地人事何漂搖曰子無罪咎離居非一朝少者日以長者日以消歲晏孰華子棲泊等浮藻歸來靡有定握粟卜而黷不忍南向坐望見故鄉遙

柬友

山高海外陰明月度前林形影不相屬孰爲勞我心竹
竿何離離海水千萬尋西風何撼撼林木蕭以森望君
久不至托此商聲吟

題洗耳圖

不洗汙此耳洗之汙此水至人外形骸外言徒爾爾不
入無所汙洗之將何以神堯不汙人許由不汙已誰爲
述此言至今傳畫史

沈錫疇歿後其室猶餽米

井水無波瀾挹注有遺潤勝於望西江涸轍方坐困沈

鹿臯詩集

卷二

九

子固人豪婦亦閨中俊常時棗栗修珠玉更無吝嘉惠
出精誠豈曰飲食餒歌以志終溫孀貞有令聞

張薛渠歿經年矣其室貽古墨

田疇旣分張室廬亦頽隳鍵戶守圖書貞心勇而果古
墨致雙丸良人曾許我足以拓前徽珍奇視瑣瑣眞勝
一丈夫女士名始可

得莊復齋觀察書却寄

南山有喬松結根本同岑上枝逼雲漢風起作龍吟下
枝臨草澤日出徒成陰栽培天地德上下鬱以森後彫
終不改老此霜雪心

彭城千餘里渺渺天一涯契濶三十載金石覺心遐嗟
哉久與遠回首念丹霞聚散如夢寐窮達若風華盛年
各努力晚歲勵攸嘉岫雲有歸期攜手種山畚

硯北旣已荒梁鹿在九原

謂梁村鹿洲

死者不可作生者當

益敦之子真愛我喜我今尚存閒吟滯江湖曾無盜嫂

寃幽明兩不負思與達人論

龜手耐春寒開緘得雙鯉麤糲忽加餐相思終不已離
緒日以繁盛名方聒耳名實固可珍貢公有殊喜抖擻
竹皮冠願言當覲止四牡恐駢駢曰爲

天子使

鹿皇詩集

卷二

十

皐橋

備春城市間高寄非小隱椎髻偃蹇餘齊眉見恭謹祇
今問皐橋流風尚含醞吳中本名都勦圖俱泯泯臺苑
有遺基聲華去已盡匹婦與匹夫長作人倫準方知漢
代隆草莽賢哲蘊

甫里

江湖一散人風流自千古不爲世網羈抵在絕簪組茶
竈享萬鍾竹竿敵萬戶家本近三江有里厥名甫我欲
弔其墳蘭泉薦秋浦未拂衣上塵敢履高人土作詩寄
遐心極目隨漁父

摘菜花

南鄰炙肥牛北垞燔豢豹薰臭徹里門厄窮敢是傲園
草媚初晴嘉蔬奮泥淖潤澤卽膏腴宜於左右芻舍此
慕腥羶智同螻蟻好履豐衆所營食貧天所勞至味在
精華清疎具風操於陵與漢陰異趨亦同道南北萬鍾
家八珍不敢傲

東園雜興

蚤起

襤被覆羈愁惺惺到明發二人入我懷不寐若轆轤披
衣覽東方屋角抹殘月蟲飛漸薨薨蠢動及蛩壓物情
鹿皇詩集 卷二 十一
俱向晨人事懼衰竭今者在泥中安寢宜自罰常恐忝
所生滯滌老吳越

授徒

師道久不立小學廢無存孜孜講明新初從入德門黠
者多畔去愚者尚知尊羣情重在華子惟培其根規條
準白鹿一一細討論未能引不發諄諄故有言庶幾敦
學半以爲吾黨藩

閒行

一枝入莽蒼烟深露猶濕步履若迷方逢人聊小立老
農挈兒孫遙向前尹揖行野見古風王化被下邑還爲

雞黍邀不從繼以泣猶憶在官時小惠曾未及進食矢
慙慙泥飲終悒悒佳話播江村所至供奉急

勞農

草舍在中田日與塗沾處立談契夙心蓑笠亦軒舉須
與饒滿筐續紛諸亞旅旨否莫能嘗曾孫在何許願言
風雨和多稔又多黍百室婦子寧豐穰天所予與世淡
無爭公侯應羨汝

江村偶紀

截流

高竿插兩涯施罟截中流小魚受羅籠大魚跋扈游朝
朝不能竭方知物產優聖王戒盡取厲禁爲餘留漁人
以湖田魚多亦有秋輸租敷率土富庶江海陬

野渡

臨河方待濟未濟故爭喧前人與後人肩摩來源源柳
陰什伯憇漁磯三五蹲風潮無有阻急趨在黃昏歸鴻
戀其侶陣陣投荒村萬物皆向晦吾亦望衡門

蒙館

何處聞書聲村孤室亦陋八九諸小生開卷從句讀先
生居上頭揖客忘左右進退昧所從曷以升俊秀戒汝
恒爲農學儒卽誤謬識字記姓名渾朴保無疚客本宏

博儔逃途悔莫救

小市

比閭聚如城日中列小肆水酒當醇醪蝦菜卽甘脆得
過乃遺安節用始不置不見五都人富難貧亦易區區
通有無猶存耕鑿意逐末豈在多市塵古所治

墓田

親在水中央毋乃同委壑旣樹又已封依然馬鬣薄慈
孫孝子心詎不共圖度奈此江海壖青山不近郭却怪
火其棺隨風散村落惟狐尚有邱報本物亦各

野廟

鹿皇詩集

卷一

三

匝地多淫祠草木皆爲祟時有魍魎變見形令人悸立
廟薦馨香大都由此類泰伯與延陵應祀反廢棄社公
固其宜報賽非爲媚若茲金碧塲亟毀充種地

燒香

月維三與八林在東與西山門一以闢佞佛志何齊老
少日奔波男女相提攜稽首隕厥角遇雨曳新泥泥車
及瓦狗金錢棄如鸚種福豈有田莫解此羣迷

鼓吹

吉凶有殊禮江村皆用樂不辨爲婚喪簫管雜歌哭頽
波那可追奢侈已成俗禮失於野求斯言未爲萬安得

西門令厲禁堅約束去秦爲救時大聲告民收

開泐

無處不臨流通塞隨水道惜無遂人營屢以泥淤告歲
歲請開渠小官肆其暴履畝勒金錢嚼鬻如虎虓揮鋤
竟何裨莫備旱與澇

催租

張牙入村呼奮爪向人攘疾言急王供袖裏銀鐺響雞
犬紛叫號搜括若羅網酒肉糜不費舉家意惘惘率率
入城來鋪堂首刑杖縣官方坐堂堂高不得上

傳訛

鹿皇詩集

卷二

十四

孤村滅聞見異言輒爭譁非災亦非祥聚訟相咨嗟朝
野本一氣庶人識何加方今大有道含鼓樂無涯但當
順帝則俯仰見勳華好異昔所戒象魏懸官衙

拳毒

東家挺老拳西鄰伸毒手詬誅豈在多釁小爲難首議
戰更議和出自莠民口武斷遂紛紛連朝事牛酒酒竭
氣亦平誓不相擊培好鬪有夙根頽風何日厚

講約

昔有鄉大夫覺民如木鐸今茲教不明讀法變講約家
喻豈能敷司講翻悔恠窮鄉見未曾物色取驚愕爭爲

看官來法語等糟粕王者必世仁先師言甚廓安得學
道人禮讓施救藥

廣述懷

母難日作

行年六十六乙丑已重過

三朝耆舊輩黃髮半皆皤我生固羸弱賴飲太平和盛
年志四方垂老滯江河壯心無復存徒爲歲月磨明發
長有懷不寐當如何

朝見慈烏飛暮見慈烏宿母子不相離亦各依其族吾
父在九京吾母尚風木哀來杖莫扶無分桐與竹梁山
鎮天南何由卜林麓所願惟奮飛長歌聊當哭

鹿臯詩集

卷二

五

宦遊非徙宅詎曰忘其妻竭來倘相見應笑烹伏雌平
生好讀易家人乃次睽離居固常事念之未酸悽嗟爾
顧彥先贈答不勝題發情止禮義古訓重提撕

去年白數髯今年落一齒飄飄數百莖不白還可耻斷
斷三十三動搖猶有址歲以一爲期漸落可三紀母爲
韋仲將方當廢筆紙母爲韓昌黎翻餉徹甘旨我心信
在天我身代與子形骸如浮漚流憇水中止

學射能挽強力衰如弩末猶恐遭發機當躬不自脫有
妹非弟昆畏見河唇葛有糧亦宿春往往蹈飢渴六十
五年非浣滌方剔刮白皙其庶幾豈不在剪決

我思在保陽愛我惟高叟

謂制軍高東軒先生

迢遙萬里餘千金

一垂手遂使八年羈一朝破械扭殺身報豈徒輕身未

敢苟俠烈亦人豪以德庶不朽受施方畏人祇恐此顏

厚命駕亟驅車曰爲長者壽

東園桂有林大小俱無蠹梗葉綴疎枝特秀干霜露其

下樂婆娑相依終旦暮辛夷早飄零崇蘭亦先吐秋風

動客心躑躅歌行路念茲久滯淫沉吟爲君故

江南方苦水直北又愁旱宮中

聖人憂賑飢逾億萬水利正經營我任兼我輦大兒籍

始通奔走不顧跼民社責匪輕勤勞補其短厥父不能

鹿阜詩集

卷二

六

菑播獲實瞻簪晚歲見良田亦云萬金產

浮雲在東南掠我望中舒忽聚又忽散出岫歸太虛三

色令人喜五色令史書三五本無心中寧久居人生

亦有涯豈不念吾廬達者觀物我悠然賦遂初

白圭不辭玷尺璧實藏瑕至寶有殊質瑰異在光華瑕

玷安足恤昧者徒歎嗟勝碁用敗局取譬不用遐由來

重蓋愆暮景返春花

一裘鞞非鶉一笠敗若籜冬春不改容賓來猶赤腳屨

棄萬事情還愁有乖錯密邇冠蓋塲行行前且却坑塹

出坦途傾跌靡有藥寧懷數月憂俯仰無愧怍

黑鳥非不祥白鵲亦非喜結窠在園林有似共鄰里啞
啞枝上啼紛紛穀中子禍福本無門彈射從茲起兒童
莫近前一彈繫生死無患又無爭忘機爲至理

曾被射工傷不敢遊上洋此物何處少上洋毒更强當
年偶失足今日戒迷方勿以弓矢鬪勿以口舌張遠害
守邊幅庶幾受禳祥

大兒寄生地三兒煮河車良藥挽吾衰子職又何加但
當不近女亦勿辭流霞日食百五錢梁頭挂畫又東坡
真解人此法良足誇

教子務本根力田惟孝弟四兒愛立名欲以奇文布臧
鹿臯詩集

卷二

七

否真未知名實貴一致天人亦何奇三策絕純粹不學
董江都乃爲軋茁嗜名絀實亦虧好奇反爲累作書當
過庭諄諄認此意

膏粱無夙緣鹽齏有真味闢畦種閩蔬土壤乘春氣拔
草去其根汲泉俟其沸以灌以誅鋤鮮新醒腸胃人言
五侯鯖嘉肴爲最貴不知士大夫會嘗此蔬未

吾老嗜讀書殘年多識字不作趨世文逐逐博高第歐

陽好手鈔卷首自題記舉子獵其詞吾乃取其意

二句本歐

陽卽此是良師經術致平治心口相繫維三復不能置

昔有曹景宗亦有楊越公麤豪生意氣直爲武人雄出

日談仁義舉足近妖兒
文人成鬼蜮曷若佩刀弓
取友不擇品何如好畫龍
古來奇傑士強半在農工

畫龍在中堂神龍在雲端
不見徒擬議高飛及屈蟠
九峯雙翠鳥野老詫文鸞
走報傾城邑稱瑞衆聲譟龍鳳
自希出徒爲世所歡苟非擅博物識真良亦難

湖估滿船書漁媪柳貫魚
二者可得兼心口樂只且樵
子啓柴門招徠價未除探囊
但羞澁靡有一錢儲我本
鄴架蠹生涯托五車謂書猶
自飽謂魚名亦虛下士枵
然笑朝朝爲會醪

上塘一尊酒下塘一豚蹄
弟子重再拜草堂聊可躋
中

鹿臯詩集

卷二

六

作強解事頌禱且分題先師有遺訓
吾道猶醯雞何敢不自量覩此面目
黧相與發胡盧酪酏拚如泥

荼苦視若薺蔗長甘在末冷暖心自知
矧迺濟飢渴食蔗受怡愉茹荼獨超脫
世味勵英賢小者不能奪志大爲良模
豈不在密察

春寒桃李遲三月亦燦爛陽氣重發生
敷天萬物煥我本爲物靈稟此清和旦
三皇世如春乘運仁風扇竊比古之愚
無能附狂狷上世多老人耆英又何羨

兒曹王事勞日不遑將父爲國方致身
事父遲可補我亦念君親其如解厥組
未了屬後生弟兄相接武何處

非庭闈離散當復聚在天不在人惇行致篤祐
阿清歲有九十載當爲爺得孫爲我曾羣季未有涯種
松作龍鱗蒔竹出龍牙春秋皆勝日行地卽仙槎何必
合青蓮滄溟是我家

王父曾王父相繼皆期頤家傳方竹杖正直刻銘詞今
我望於國遵道行遲遲餘澤承在手恭敬重執持或云
恭則壽竹杖具威儀列祖啓我心小子飭未知他年倘
旣耄祖德能述之

腐鼠歎

忍渴過盜泉懷飢食薇蕨飢渴繫死生不忍墜顛蹶鳳

鹿臯詩集

卷二

九

鳳翔九霄鴟鴞恣饕餮在上視益高迴與泥塗絕在下
獨徬徨猶恐事爭奪不嚇動機心嚇之乃汗蠖腐鼠何
地無鳳德表奇節詠志爲此歌庶幾勵賢哲

春暮偶書

歲月蹉跎去日苦多對此艷陽何以行樂夫風
浴詠歸狂者之志尚已矐言童冠渺焉寡儔我
歌且謠聊以自嘲有繼其聲者亦空谷之音也

荏苒閑居諸朝暉媚潛穎江南春色佳強半在烟景萬
物自得時發揚生意挺感此重咨嗟可樂非吾境榆柳
火又更暮年方警省

春分尚無雷時雨差霰霖耕種事猶賒蟄龍奈困伏皇
天固疾威南山有時覺始殷繼且轟羣動解約束煦煦
去所憎欣欣聚所欲

晏坐獵陳編終朝無客至豈不念我孤乃斬枉駕惠門
前蔓草生無須苦竹簞風靜落花深園晴鳩婦醉依依
伴索居日長方假寐

盡日望家書開緘覺心悸未知生死情先猜飢餓意告
急乃無衣大布莫爲寄無衣可負距無食當出涕聊分
鬻字錢計口營糗糒得過夏秋來幽燕救援至

故人萬里餘許我金百鎰迢遞未來茲翹首日復日相
鹿臯詩集

卷二

二

期三月晦今已二十七古句大債爲官逋小債償紙筆平
生慕幼安揮鋤猶自律急難需解圍於卜得習吉過此
淡無營有如姻嫁畢

觀書得未曾臨餐有滋味兒子亦能文味長心更慰飯
瓊爲蠹窠短褐達春氣沐浴日月中焉知人所貴天運
在自然清閒天所乞

皚皚頭上雪歷亂無冬春微微面上赭聚散爲醴醇興
來強爲歡老去率其真有看_不買鱸有蔬不採蓴一飽
亦易足至味屬苦辛食梅常苦酸潤澤口中津愚者欲
適口相與乞諸鄰

鄰兒晝夜啼飢來爲索食欲止更無方授餐庶可息顧
此一盂粥孫子遠莫得惻隱不能伸何敢張德色方知
千萬間不及一簞力無補但空言閉戶憫飢溺

終日陰而風有似莊公暴匿跡掩重門焚香供洒掃舍
南迎社公舍北籌水漕入耳雖聒紛時務從所好倦來
常獨醒詩成還自犒喜不近庖厨無方觀煬竈

厭事覺吾衰強健謝黃犢今春霜雪多不受寒威酷龜
手藥錢微題扇老媪促牀頭十日糧食盡當辟穀神仙
亦何奇所欣地可縮濯足與振衣指揮在梁鹿

謂梁山鹿水

朝來退夾衣家人笑露肘幸無顯者來交接惟隣叟五
鹿皇詩集 卷二 五
月披裘翁見金微所守遂令公子驚受暑事豈偶春去
已堂堂我獨享傲帚陽羨倘可耕應從沮溺耦

讀郭弘農遊仙詩

當塗阨陽九弘農懷出世飄然棄市朝山林得高位深
識邁等倫逍遙有真意茲詩特駕言不發神仙義肯受
符籙誣更染鉛汞氣大都類阮公托酒好沉醉寧若魏
伯陽枉著參同契

鴈奴

生來重匹耦無匹卽爲奴飛則尾羣翅宿則衛羣雛更
轉劃然鳴響如軍中枹防疎衆共擊辱若軍中俘甘心

事同儕老死義不渝紛紛娶後婦僕僕棄前夫有靦面目者何當視此奴

雉媒

何時棄其族此日致生禽招邀更善誘斷續爲雉音雄者遠來鬪雌者思煽淫遂使艾如張雌雄一網擒無獲滯樊籠旣獲不歸林惜以耿介性化作凶險心因人坐鷹犬文明驚且陰

搏黍

黃鸝也

詩人歌睨睨征人觀熠耀聲色足怡情禽中獨佳妙春寒柳上藏日暖桑畦照山家黍熟時戴顓藉吟嘯斗酒鹿臯詩集
卷二
三
及雙相提攜助詩料無須聽鈞輶遠出黃陵廟

春鋤

漠漠下雲間平疇水一灣特立伴耦耕沮溺去復還素絲真不染拳足自閒閒有魚聊俯啄無魚但仰看何似信天翁得失了不關冥鴻爲避弋野鳥怯弓彎惟汝靡爭患孤高性獨完

賦得潛鱗有飢蛟掉尾取渴虎

東坡記惠州事之句

飢渴繫死生貪生不顧死有虎渴臨淵負隅下潭溪有蛟視如豚磨牙兼礪齒曳之水中央鬣絡卷其尾皮肉爲腹腴浮沉皆骨髓平生莫敢攫倏忽比螻螻剛惡有

時窮柔惡靡所底得失勢使然強弱乃常理蛟倘入山林虎亦雪其耻相報無終期機來有伏倚飲水本無辜食肉得殊喜周處方怫然盡殺庶乃止

竹爬背

寒來利用曝癢時不須澡一節含風猗徑尺如箭筈刻劃作鋤形伸手自揮掃輕重兼疾徐翛然去煩惱僮僕俱等閒何況婢與媪枕流致其清漱石礪其老此亦君子風不侈麻姑爪

望嫁女三章時有求遷官而未得者王子作此詩也

鹿皇詩集

卷二

三

金爲頭上釵珠作耳中璫衿悅亦已備良時不得將夫婿始扶床

衣裾不覺短裙帶不加長曾無父母命媒妁枉思量夫婿在遼陽

修眉不覺短皓齒亦加長妾身未分明無處拜姑嫜夫婿又他鄉

移居詩

丁巳去官僑解西畢氏已未徙東園愛其地偏淹七稔爲居停雷氏所促遷蘭玉堂堂本陳氏質庫毀餘八九間不蔽風雨稠疊洒掃糜金錢

十千精力大耗念歸籍未能就養未果感而有
賦寄示珍兒兼邑子族子舊雨惟莊復齋觀察
淮徐非遠不以相聞出處殊轍爾

松竹自有林何忍辭喬木秋深風雨多一枝非所托西
顧蘭玉堂爽塏異幽谷舊有好樓居傾頽不可築強半
爲市塵聊以備饘粥雖無素心人亦具一邱壑

一身爲孤舟十載繫洙水今朝纜乍移乘潮載行李前
艙數篋書後艙數升米送我返自涯迎我又同里入室
遂歌謠穉兒與嬌女我亦顧而欣可仕還可止

古屋圓無人甕苔若有根終朝勤洒掃帚過尚留痕諸
鹿臯詩集 卷二 三四
生頻履卽共日爲西園所嗟無隙地爲圃折柳樊買薪
日不給買菜日以煩何時舍此去屯種漳南村

我思在丹霞荒蕪故畝畝夷猶不得返爲愛叢桂花東
園五十樹今此見杈枒少陵有言曰獨樹老夫家僑居
非我有落葉快梳爬涼秋八九月采采興亦奢何必須
甘棠剪伐其無加

我思在保陽兒曹祿可養念茲通籍初百端屬草創晨
昏旨與甘拮据何所餉况我子職虧反作阿爺狀飲食
亦懷慚恐益素餐謗教子惟致身事君在親上天運倘
相從老夫速歸葬

漁媪遠相尋四腮方潑潑紫鱖豐且饒畧可佐麤糲雙
彫厭我貧搗來復跳脫不顧主人恩甘爲飢餓活諒非
黃耳儔更非短喙獨何以守重門時平不閉關
閒來好倚閭徒招路人目猶有識舊官趨前一俯伏慰
勞赤子情慚予衆母鞠憶昔朱使君眷戀桐鄉俗繫欲
踵前徽漫云蘧廬宿揮琴操倚蘭無田可種玉長歌歸
去來悠然見梁鹿

讀陳恭尹詩

父爲大司馬子爲羽林兒大運阨陽九父死子何之不
登首陽山不采商山芝歌哭動天地吁嗟歎命衰伊誰
鹿皇詩集 卷二 五
速我獄謠椽良可悲三復獄中篇慷慨不卑卑維彼蒲
衣子目君詩人詩王風起哀怨可續黍離離

空梁落燕泥

燕燕有情禽一飛一回顧所以動離思莊姜送歸路空
梁落燕泥卑卑寒儉句沉吟致殺身詩人盡驚怖豈有
天下君而爲章句如唐虞貴賡颺世主多謬誤隋室滅
亦宜但爲狹隘故

兩頭纖纖戲贈新婚者

離離枝上青纍纍盤中果

蔡弓門云兩頭
纖纖卽青果也

微酸甘亦頗旣醉當解醒未醉口皆可投核炬中然吐
消渴去沉痾

出蘭花火蘭花有異香並頭開朵朵一照巧笑瑳一照
佩玉儼

崆峒問道圖

治道與仙學由來事不同黃帝尚清淨爲治有仙風所
以契廣成其言匪至公形神不勞搖思慮不相通塊然
養此身平治有何功刪書自二典道統惟一中萬古莫
能易三代猶能從祖龍遣入海武皇拜竹宮是皆賢智
過有初靡有終告汝後世人大道本中庸

珍兒判涿州

涿鹿臨大河繁難領其半民社無所分宣防在泮岸有
鹿皇詩集

卷二

美

車匪高軒無馬騎款段牧伯爲長官安瀾亦云贊勳業
本難期欲以勤勞冠發軔始王畿名實憑考按知汝捧
檄情爲我加餐飯

春日蘭玉堂遲所思不至用柳柳州雨後獨至愚
溪高樹臨清池風驚夜來雨爲韻

長檠燒絳蠟膏火自煎熬望客轉蕭條何以散鬱陶相
思一夜雨浥彼園中桃枝枝初破綻紅白低以高開筵
傍嘉卉艷色映醇醪

春江蕩漾波洄溯春申渚蒹葭猶未生道阻水中趣遙
望白雲鄉莫知君子寓嘉辰展良遊相思不相遇日暮

烏鵲歸飛飛滿江樹

新晴未出戶遲日晚來陰白駒在何處躊躇未一臨好
鳥嚶其鳴簷外有清音矧伊君子侶寧不懷盍簪揮手
操圮橋聊云托素琴

塵居閉湫隘孤坐有餘清日出暴其背稚子娛前榮竹
馬號且呼導客遠行行客來應煮茗碧乳流玉蕪不來
聊當酌不醉長獨醒

大道渺無岐守玄任素絲窮通本一致賢哲豈差池昔
人嗟已逝同心今在茲黽勉谷風詠遲回明月詩我唱
子其和兩地聽墳篋

鹿臯詩集

卷二

七

不忍讀離騷還來誦國風舟子漫相招山鬼枉相從日
長多夢寐曾不類姬公倦後輒懷人有如贖與鸞鳳鳥
久不至此地無梧桐

美人在雲端髣髴爲目成諒君亦見之含睇兩不驚精
誠寧用剖白日起雷霆所思獨不見杳杳降青冥匣中
有龍劍常作雌雄鳴

明明與子期五日豈虛假千里弗爲遙况乃同傳舍愁
來神不王去聲恨深氣已霸室邇人故遐唐棣華之下白

日何沉沉三星照殘夜

四郊皆水鄉登高又無臺極目但浮雲思君有餘哀予

美爲誰併雞鳴風雨來慰此泥塗辱幽蘭拔草萊斗酒
藏已久何當試一杯

思君欲奮飛剪刷少毛羽渺渺莫能來迢迢不知處剪
紙強招魂風吹江上雨遲暮抱幽憂歛懷復澄瀟賁然
食我場遇之在旦暮

立春賓至

今日設春盤而無細生菜雨雪初載塗寧敢招絃佩陶
謝爲古徒籍湜乃吾輩入座脫岑牟陰雲開鬣鬣木漚
持作瓢輪困非玳瑁魚鱗雜作肴匪能備鱗介有客善
藏鈎分曹決勝敗稚子亦張軍元戎出小隊絕勝醉紅
鹿臯詩集

卷二

三

裙夜闌戰未退

瑤兒上學

焚香告聖人此是不才子傑黠類聰明頑鈍實無比方
當就傳年訓詰費唇齒大學猶未通詩禮何敢始循序
以致精願學趨庭鯉吾老無所貽惟有殘筆紙黽勉追
乃兄亦覺欣欣喜善後務在勤矯輕務在恥區區抱此
心小子昧臧否

羊裘

匪狐亦蒙戎披背簷前曬依稀晏子風歷年猶未壞冒
雪出長安禦寒滯江介無復五紵蹤但覺素絲敗家食

方委蛇何必自公退大兒寄褐衣寬博畧可愛爲父勝
子衣靛顏聊一快

雷翠庭銀臺蘭澤齋題詞

蘭爲乃祖所遺

青青徂徠松鬱鬱新甫柏遙映山之阿蔭此高士宅鍵
戶養其貞修齡介於石令德致芳芬幽蘭手自植蘭葉
何猗猗蘭根何籍籍在室與在堂香郁紛辟易流風啓
後人曰爲君子澤

蕭艾滿中原芟除莫嚮邇凡卉塞園林揮斥莫近止維
茲空谷中紫莖抱殊軻位置擇磁盆挹注覓泉水雨露
自春秋皇天愛彼美養足顏遂豐苞含千萬蕊有子常
鹿皇詩集 卷二 三

秋發榮長若此

架上有遺書庭中有瑞蘭雖無老成人典型同一看築
我讀書堂遺我以蘭安晨昏勤保護霜雪不能干開時
慎勿剪將落慎勿彈優游得其性奕世猶簇攢上以尊
王者下以索古歡有此家自肥生生行且繁

羣葩戒早發素植重餘榮當其初種時豫大兆豐亨仁
義爲本根道德爲精英紹聞今在茲華實有令名山中
盛藻采天下播厥聲山中肯堂構天下底厥寧斯齋卽
廣廈斯蘭爲國植衆庶依喬木有功在治平未躋蘭澤

齊先爲蘭澤銘玩物匪所尚祖德述歌賡

南璞三十

昔人方有室今汝未添丁左右能就養子職已克勝離
家將八稔分張亦可矜江干逢母難焚香告青冥願得
雙親壽堂上見孫曾南望拜祖妣北望拜椿庭
璞書中有焚香
等夙興兼夜寐豈曰忝所生慇懃教弱弟黽勉事長兄
孝友天當佑福祿看來成

送沈歸愚閣學假歸

出宰山水鄉逢君在侍從騎驢到京華又遇鳴騶控

天子惜公歸天章雨露重拜手叶歌賡塗改蒸民頌車

鹿皇詩集

卷二

三

馬滿畿郊二疏同一送君興寄林泉綸扉應入夢君簡
協帝心謨猷當盡用虛左待名賢聞望已殊衆去時鯉
魚風披拂江南葑來時梧桐華朝陽見翾鳳定以采風
詩包甌螭頭貢

至尊坐承明都俞喜色動慎勿戀邱園明月自嘲弄

頽風

初起自蘋末倏忽變爲頽黃沙塞天地不辨塵與埃臆
魅晝迷人荒城東南隈恐懼獨在予豈有安樂懷翹首
叫閭闔蚩尤廼罪魁誅殛其無從狂蕩復成霾何時見
霽色清寧振八垓

對吏

下車問土風升堂辨因革次第未一施羣吏伺顏色黠
若蒼鼠窺鷲如鷹隼擊平生重肝膽不覺深自匿匪敢
事詭隨直恐爲彼得政體不可虧謬誤重自責若受吏
人愚負咎寧有極貴猛不貴寬庶幾極反側不然同室
居對面爲盜賊所失莫能償補救終何益

病脾

晝夜怒如飢當餐欲投七六犬馬年何以延暮齒憶
昔蔡與藍謂梁村鹿洲就子共糠粃甕開新豉桃井汲清泠

水一飽三十秋不羨梁肉美二子氣如虹精神實倍蓰

鹿皇詩集

卷二

三

皇天老眼昏遂令相繼死繫子獨生存白晝落泥滓枯
腸耐冰霜愁心甚畏壘飢渴已乖方在陳缺甘旨二子
念艱難當示衛生理大招夢中魂消此隔年瘧數倘未
終窮強健今伊始

操舟賣書

有客自姑蘇操舟到江許舟中列蠹編典籍俱稱古繫
纜深柳陰寄托漁蠶戶清晨來叩門請作風騷主上湖
墳索邱下迄羣芳譜大小千萬言攷義兼按部客言本
非夸但恐聞者怒方今崇制科明經重八股簡練爲揣
摩簪裾擔印組爲雲得攀龍爲風得從虎通顯匹夔臯

吾君卽舜禹詎必侈書厨獮祭終何補我昔嗜藏書頗
喫三冬苦裘敝不當衣糧絕不入金白頭老儒冠事業
莽且鹵鬼闕高明家文窮賢達伍良由誤在書悔不事
農圃嗟客亦昧時行貨過黃浦改業是良圖張理破膠
柱估客大胡盧返棹蹈且舞

璞兒爲變產之行

城南十畝田城北半畝宅拮据自辛勤良由尺寸積昔
爲菽水資遠遊供朝夕營祿以事親親亡祿亦革公私
待補苴瘡孔逾千百在官但飲水去官更嚙藥悠悠路
芻人肥瘠不相識念此田宅微莫抵滄海隙棄去家無
厯皇詩集 卷二 三

依不去身轉逼六月方棲棲時事一何棘航海需好風
歸來信健翻爰解倒懸艱應脫水火阨危爲安所基逸
乃勞中得竭力報吾君曰盡臣子職

題野人家

軒亭弄林影返照襯晴乾坤開晚景來集田野家門
前通海水水淺長魚蝦盪漑或垂釣送客惟及涯園塍
不種竹植粟縈苦瓜養雞莫養雄不鬪亦無譁飼牛但
耕地毋勞駕役車熙熙上皇民擊壤又何加却笑武陵
人問棹尋桃花

落梅

無風猶自標誰肯復傾筐時過真可惜人情何太涼
我見常拾襲寄與稚子嘗辛酸一氣通入口當不忘楊梅
方待熟桃李已爭香薦新讓豪家飢渴忍中腸蔗境後
乃甘何如俟蔗漿

田中雷

疾雷起田間火在水中剖阡陌俱燒枯不論苗與莠修
蛇十丈餘劈死猶蚋蟻爪角雖未形鱗鬣雜紅黝此物
若成蛟邦人爲魚否雷公仗天威亦須擊其首生殺有
大權乾坤無所苟

江荳

鹿皇詩集

卷二

三

離離青衫帶顆顆綠真珠來自野人家供我棄官廚大
魚厭腥臊肥肉怯豐腴准此甘且脆入口覺清疎酸鹽
適時用不與八珍俱有如白戰手寸鐵無所需老病不
恃藥食淡爲良圖晨昏但盈把聊以度江湖

討碩鼠

厠鼠有此穢倉鼠無此肥盤踞在田間苗黍日已稀不
念種者艱不恤穫者飢三歲方貫女一朝合重圍障水
灌其穴揚火薰其扉刀鎗伏廣陌弓矢張曲畸一出一
磔殺奔竄紛如飛畢命起俄頃雖竄無所歸此邦本樂
國爲女久獻歛旣已服其辜亦復受厥譴詩人但永號

未伸討賊威應須反乎爾隱忍避者非

示南球

寅年未及肩午歲已勝衣趨庭昧詩禮學殖何能徽我
爲捧檄出結念奉慈闈祗今多謬誤滿目紛是非對汝
抱孤孽慈孝兩相違艱危如不死有日當解圍負薪當
早起鋤園或晚歸自給餽與粥寧論災與禩內美重修
能籍籍看家肥

早起

野曠百蟲飛天明羣動作紅輪海上升精光射簾箔披
衣坐垂堂愛此清寧廓門前潮水生行舟已爭泊延佇
鹿皇詩集 卷二 三言
望所思揚帆天際落五日以爲期六日已過昨漸衰楊
柳條益展芙蓉萼新霜感客心飄搖何所托

苗勃然

龜坼赤如焚不分苗與莠崇朝雨沛然懷新競先後天
地憫人心施此回生手膏澤在須臾謳歌均所受東南
億萬家貧富從中剖賦稅縱靡虧饑餓亦常有輕賦重
生靈聖德何廣厚自天宜降康時雨豈爲偶

秋曉

殘雨生夜涼吟蟲催漏盡一枕夢羲皇先民爲導引風
景若三春和氣滿畦畛老少不相猜鋤耰靜戈盾四海

屢豐年雞犬亦蠢蠢帝力歸虛空寧復知解慍汗漫幾
忘歸華胥渾遠近喜鵲自西來狂噪聲轉緊叫破如醉
醒元酒猶在吻

南璞舟至廈門有信

去國日以遙離家日以邇行李濕烟波猶帶金山水矯
首挹梓桑鄉音已盈耳鹿溪遠城流梁峯當戶峙爲我
問山川離別何時已禍重福乃輕艱虞及子女今朝得
赤蹠聊作萬金紙買棹亟歸來我病遽然起

哭桂

不向月中華偏落人間植古幹飽新霜旁枝挺孤特身

鹿臯詩集

卷二

三五

大花益繁秋老江南色隣人突決焚欲救嗟無力金粟
一時災馨香觸邦域蘋蓼與芙蓉大笑生讒慝謂當水
中居不合躡人跡旣爲衆所欣應爲火所尅老桂默無
言我淚已沾臆可惜舟楫材揚灰真屈抑倘作焦尾桐
中郎抱拱璧今我不平鳴淚盡終何益擬欲搗魚胞學
製諸奚墨猶勝萬山松落紙雲烟黑

偶述

飛鵲自南來啼鴉從北去悲喜一時并悠悠動遠慮秋
風逐塞鴻翱翔南北翥知我有故鄉迢遞邈何處知我
有故人音信不一語念此久離居臨餐焉得飫徘徊恨

窮陰輾轉難達曙誰能棄於懷直作粘泥絮

江干廢園

蒼蒼水竹居百步具邱壑玲瓏小洞天不知何代鑿料
想經營初十世猶當拓不敝爲瓦棺不朽造石槨劫火
有時灰精金亦遭鑠矧此戰伐場濱海風潮惡潮怒噬
其基風狂撼其堊一春復一秋今朝不如昨我來漫徘徊
主人不可作天陰水鶴歸細雨芙蓉落惜無買山錢
更理臺亭閣近爲期月歡遠作三載泊何地無江山羈
棲聊取樂

行囊羞澁尚有乞米者

鹿臯詩集

卷二

五

我已被飢驅逢子亦買買何處謝嗟來不妨蒙袂就平
生洽比心豈在萬石富一錢猶可分如割几上肉新穀
漸登場無能學驅馳快哉田舍翁春酒介眉壽欲干監
河侯未往眉先皺誰能俟西江挹取潤飢餒

買藥

頽齡氣力微飲食翻作惡命藥首人葠無奈賈人酷昔
我遊京華結交晉公族餽致闕重函啓視如柴束迢遞
奉老親不自充口腹親歿物亦空遺體恐虧辱願言從
故人吉林掘土木丹鼎沸香泉洗此腸胃毒

